

# ***Ti Pannacabalin ti Dios***



Inurnos ni Watson Goodman

Libre — Saan Nga Ilaco

## **TI PANNACABALIN TI DIOS**

**Casano ti panangilawlawag ti bassit a parsua iti pannacabalin ti Namarsuatayo wenno iti cabaelanna cadagiti isuamin a banbanag ti awan patinggana a Diostayo? Saan a mabalin nga aramiden a naananay, gapu ta ti Dios mannacabalin unay ket naindaclan ken nalawa tapno daytoy bassit a capanunotantayo iti casayaatan a cabaelanna saanna amin a malaon.**

**Ngem ti Dios imparangarangna ti Bagina iti LibroNa, a naananay unay a mangted cadatayo ti nalawa a pannacaipalgak a capanunotan iti pannacabalinna a mangaramid ti ANIAMAN A BANAG a mapanunot ti tao a saan a mabalin! Isu ti namarsua iti lubongtayo ken imbitinna iti law-ang ket sibibitin pay ita iti rinibribun a tawen nga awan nacaicaptanna no di laeng iti pannacabalinNa a mangtengngel.**

**Mingmingantayon ita iti Sao ti Dios maipapan iti panangiparangarangna iti awan patinggana a pannacabalinna.**

**—Watson Goodman (1920-2002)**

**Isaias 40:18a, 22, 25 ken 26**

Asino n̄garud iti pan̄gipadisanyo iti Dios? . . . Daydiay n̄ga agtugtugaw iti n̄gatoen ti nagtimbukel á daga, ket dagiti agtaeng kencuana casda la dudon; á mangibistrad cadagiti langlan̄git á cas maysa á bengbeng, ken mangyaplag cadacuada á cas maysa á tolda á pagyanan; . . . Siasino n̄garud iti pan̄gipadisanyo caniac, tapno maipadaac coma kencuana? cuna ti Santo. Itan̄gadyo dagiti matayo idiay n̄gato, ket ki-taenyo no asino ti namarsua cadagito, n̄ga babaen iti panangbilang isu iruarna dagiti buybuyotda; isu inagananna ida amin;

gapu iti kinadackel unay ti kinamain̄gelna, ken agsipud ta napigsa iti pannacabalin, awan ti agcurang uray no maysa.

**Jeremias 32:17**

O Apo Jehova, adtoy, sica inaramidmo dagiti langlan̄git ken ti daga babaen ti dackel unay á pannacabalinmo ken babaen ti siuunnat á tackiagmo; awan ti sanno á cabaelan.

**Hebreo 1:1a, 2**

Dios . . . Cadagito, maud-udi n̄ga aldaw, kinasatonatayo babaen iti Anacna; isu á tinudinganna n̄ga agtawid cadagiti isu-amin n̄ga adda, á gapu met kencuana inaramidna ti amin á lubong.

## **2 Ni Satanás Saan A Macaparsua Ti Planeta Ken Dina Maibitin Iti Law-ang**

**Dagiti Aramid 17:29**

**Idinto n̄garud á caputotannata-  
yo ti Dios, ditay rebbeng á paga-  
rupen á tí Dios umasping iti ba-  
litoc wenno iti pirac, wenno iti  
bato á kinitikitan n̄ga parnuay ti  
laing ken ti isip ti tao.**

**Lucas 10:18**

**Ket kinunana cadacuada: na-  
kitac ni Satanás á natnag nani-  
pud langit á cas la sal-it.**

**I Pedro 5:8**

**Agparbengcayo, agsalucagcayo;  
ti diablo á cabusoryo, cas la leon  
á n̄gumern̄gern̄ger, magmagna iti  
sibayyo n̄ga agsapsapul ti alun-  
unenna.**

**Juan 1:1 ken 3, 10:10a**

**Idi pun̄ganay adda ti Verbo,  
ket ti Verbo adda iti Dios, ket ti  
Verbo isu, Dios. . . . Dagiti isua-  
min napaaddada gapu kencuana,  
ket no isu awan, awan ti napa-  
adda cadagiti adda. . . . Ti man-  
nanacaw saan n̄ga umay no di  
tapno agtacaw, ken agpatáy, ken  
agdadael . . .**

**Juan 8:12**

**Ni Jesus kinasuona manen n̄ga-  
rud ida, á cuncunana: Siac ti si-  
law ti lubong; ti sumurot caniac,  
saanto á magna iti sipn̄get; no di  
ket addanto kencuana ti silaw ti  
biag.**

## Ti Pannacabalin Ti Dios Awan Beddengna 3

Dagiti Salmo 62:11

Ti Dios nagsaon iti naminsan, namindua á nangngegco daytoy, á ti pannacabalin biang ti Dios.

Isaias 43:13a

Wen, nanipud pannacaadda ti aldaw siac daydiay; ket awan á pulos ti macalapsut iti imac. . .

I Cronicas 29:11, 12

Cucuum, O Jehova, ti kina-dackel, ken ti pannacabalin, ken ti gloria, ken ti balligi, ken ti kinadayag: ta amin nãa adda cadagiti langlangit, ken iti daga cucuum; cucuum ti pagarian, O Jehova, ket maitan-occa á cas olo iti rabaw ti isu-amin. Dagiti kinabacnang ken dayaw agpadpa-

dada nãa aggapu kenca, ket agturayca iti isu-amin; ket mannacabalin ken maingel ta imam; ket ita imam ti yan ti mamadackel ken mamapigsa iti isu-amin.

Lucas 1:37

Ta awan ti sao nãa agtaud iti Dios, nãa di adda pannacabalinna.

Deuteronomio 3:24

O Apo Jehova, rinugiam nãa imparangarang iti adipenmo ta kinadackelmo ken ta imam á napigsa: ta asino á dios sadi langit wenno ditoy daga ti macabalin á mangaramid iti cas ti gapgapuanam ken cas cadagiti ar-aramidmo á mannacabalin?

## 4 Ti Kinaindaclan Ti Di Marucod A Pannacabalin Ti Dios

**Exodo 15:7**

Ket iti kinadackel ti kinadaegmo, racrakem dagiti uming̃ar á cumaniwas kenca.

**Dagiti Salmo 147:5**

Dackel ti Diostayo, ket napigsa iti pannacabalin; ti panagisisipna awan inggana.

**Dagiti Salmo 106:8**

Nupay casta isu insalacanna ida á maigapu iti naganna, tapno maipacaammona ti napigsa á pannacabalinna.

Sica ni Jehova, sica laeng á maymaysa; inaramidmo ti lang̃it, á lang̃it dagiti langlang̃it, agraman iti amin á buyotda, ti daga

ken amin ñga adda kencuana, dagiti taaw ken amin ñga adda cadacuada, ket igigirmo ida amin; ket agcararag kenca ti buyot ti lang̃it. — Nehemias 9:6

**Dagiti Salmo 104:1**

Benditoem ni Jehova, O cararwac, O Jehova á Diosco, sica naindaclanca unay; nacawesanca iti dayaw ken kinadayag.

**Dagiti Salmo 145:2, 3**

Tunggal aldaw benditoencanto; ket idaydayawconto ti naganmo iti agnanayon. Dackel ni Jehova, naindaclan unay ti pannacaidaydayaw; ket ti kinadackelna saan á matucod.

## Ti Pannacabalin Ti Dios Agnanayon

5

**Isaias 26:4**

Agtaleccayo ken ni Jehova iti agnanayon; ta ni Jehova maysa a bato n̄ga agnanayon.

**Dagiti Salmo 90:2**

Idi casacbayan ti pannacapa-  
taud dagiti banbantay, wenno idi  
pay la pinaltuadmo ti daga ken  
ti lubong, ken manipud pay ketdi  
idi kinaagnanayon agingga iti  
kinaagnanayon, sica ti Dios.

**Apocalipsis 11:15b**

...ket simmaruno dagiti dac-  
dackel á timec idiy langit, ket  
kinunada: Ti pagarian ti lubong  
nagbalin á cucua ni Apotayo ken  
ni Cristona: Ket agarinto n̄ga  
awan ingana.

**Jeremias 10:10**

N̄gem ni Jehova isu ti pudno  
á Dios; isu ti sibibiag á Dios, ken  
agnanayon n̄ga Ari; gapu iti  
pungtotna ti daga agkintayeg, ket  
dagiti nasnacion saanda á maib-  
turan ti un̄getna.

*Pannacabalin Ni Satanas A  
Madadaelto*

**Apocalipsis 20:10**

Ket daydi diablo á nan̄gallilaw  
cadacuada naibelleng idi danaw  
n̄ga apuy ken azufre, isu met á  
yan daydi animal ken daydi saan  
á pudno á mammadto; ket matu-  
tuocdanto iti aldaw ken rabii iti  
awan inggana.

## **6 Pannacabalin Ti Dios Iti Baybay A Nalabaga**

**Exodo 14:21, 22, 26-28**

**Ket ni Moises inyunnatna ti imana iti baybay; ket pinagsanud ni Jehova ti baybay gapu iti narpigsa n̄ga an̄gin ti daya iti nagpatnag, ket inaramidna ti baybay á daga á namaga, ket dagiti dandanum nabisn̄gayda. Ket dagiti annac ti Israel simrecda idi nagbaetan ti baybay iti rabaw ti daga á namaga: ket dagiti dandanum isuda idi cadacuada ti maysa á bacud iti macanawan ken iti macatigid. . . . Ket ni Jehova kinunana ken Moises, Ilayatmo ta imam iti baybay tapno dagiti dan-**

**danum agsublida á manggabur cadagti Egipcios, cadagiti lugluganda, ken cadagiti caballeriada. Ket ni Moises inlayatna ti imana iti baybay, ket ti baybay nagsubli iti bileгна idi á nagbanawag ti bigat; ket dagiti Egipcios intalawanda ti danum; ket ni Jehova impasagna dagiti Egipcios iti nagtengn̄gaan ti baybay. Ket dagiti dandanum nagsublida, ket linapunusda dagiti luglugan ken dagiti caballeria, uray pay amin á buybuyot ni Faraon á simmurot cadacuada iti baybay; awan natda uray maysa cadacuada. . . .**



## **Awan Ti Datdatlag A Dackel Unay Iti Dios 7**

*Pinacanna Dagiti Riwriw A Tat-  
tao iti 40 A Tawen*

**Exodo 16:13-15a ken 35a**

**Ket naaramid iti rumabii á sim-  
mangpet dagiti tucling ket binu-  
n̄gonda ti pacarsoda: ket iti bigat  
nagsacnap ti linnaaw iti licmut  
ti pacarsoda. Ket idi á ti linnaaw  
nagpucaaw, adtoy, iti rabaw ti let-  
ang dagiti babassit á nagbubukel,  
bassit á cas la nagbalay á linnaaw  
á nagbukel iti rabaw ti daga. Ket  
idi dagiti annac ti Israel nakita-  
da daydiay, kinunada iti maysa  
ken maysa cadacuada, Ania day-  
toy? ta dida ammo idi no ania  
daydi. . . . Ket dagiti annac ti  
Israel nangnan̄ganda iti mana ca-**

**dagiti uppat á pulo á tawen,  
agingga iti idadatengda iti maysa  
á daga n̄ga adda agnaed. . . .**

**Exodo 17:6a**

**Adtoy, addaacto iti san̄goanam  
idiay rabaw ti bato sadi Horeb;  
ket ibaotmonto iti bato, ket ru-  
muarto idiay ti danum, tapno  
uminum dagiti tattao. . . .**

*Linapdanna Iti Panagayus Ti  
Carayan*

**Josue 3:17a**

**Ket dagiti papadi á nan̄gawit  
idi lacasa ti tulag ni Jehova nag-  
tacerda á siiintec iti daga á na-  
maga iti tengn̄ga ti Jordan; ket  
isu-amin n̄ga Israel nagballasiw-  
da iti daga á namaga. . . .**

## 8 Ti Dios Naindaclan Unay A Mangwayawaya

Daniel 3:21, 22 ken 27

Iti casta dagitoy á tattao napa-  
rautanda agraman sapinda, bado,  
ken dagiti cagayda, ken dadduma  
pay á pagpagan-anayda, ket in-  
tappuacda ida iti horno á sum-  
sumged ken dumardarang. Iti cas-  
ta gapu ta ti bilin ti ari naganat,  
ket ti horno napudot unay, ti gil-  
ayab ti apuy pinatayna dagidi  
lal-laki a nangbagcat cada Sidrac,  
Misac ken Abdenago. . . . Ket da-  
giti panguloen, diputados, gober-  
nadores, ken dagiti consejeros ti  
ari, idinto á natiptiponda, naki-  
tada dagitoy á lal-laki nãa ti  
apuy awan pannacabalinna ca-  
dagiti bagida, ti booc dagiti olo-

da saan met á nasiraman, ket ti  
sapinda saan met á nabaliwan,  
ket awan met ti anãot ti apuy nãa  
immay cadacuada.

Daniel 6:16 ken 21, 22a

Iti casta ti ari imbilinna, ket  
insangpetda ni Daniel, ket intap-  
puacda iti rukib dagiti leon. Ti  
ari nagsao ket kinunana ken Da-  
niel, Ti Diosmo á pagserserviam  
á cancanayon, ispalennacanto. . . .  
Iti casta kinuna ni Daniel iti ari,  
O ari, agbiagca coma iti agnana-  
yon. Ti Diosco imbaonna ti an-  
gelna, ket rinipcanna dagiti nã-  
wat dagiti leon, ket saandac á  
dinunor. . . .

**Jeremias 23:29**

Saan aya á ti saoc cas la apuy? cuna ni Jehova; ken cas martillo á burakenna ti bato?

Ta ti sao ti Dios nabiaq ken napigsa, ket natadtadem n̄gem uray ania á campilan á dua ti tademna, ket dumanon n̄ga agingga iti paglasinan ti cararua ken ti espiritu, wen, ken dagiti nagsu-suupan ken pata ket nasiglat n̄ga agilasin cadagiti panunot ken panagem ti puso. —Hebreo 4:12

Alaenyo met á pannacacabal ti ulo, ti pannacaisalacan, ken ti campilan ti Espiritu, n̄ga isu ti sao ti Dios. —Taga Efeso 6:17

**Dagiti Salmo 119:9**

Ania ti pangdalusto ti agtutubo iti dalanna? Ti panangitaltalecna iti mayannurot iti saom.

**Juan 15:3**

Dacayo nadaluscayon gapu iti sao n̄ga isaoc cadacayo.

**Juan 17:17**

Pagsantoem ida iti kinapudno: ti saom isu ti pudno.

N̄ga iracuracyo ti sao ti biag . . . —Taga Filipos 2:16a

**Juan 8:31**

Kinuna n̄garud ni Jesus cadagiti Judio á namati kencuana: No agtalinaedcayo coma iti saoc, pudno á dacayto ti adalac.

Taga Colosas 2:9

Ta kencuana agtaeng ti naan-anay á Kinadios á sibubukel.

Juan 5:17, 18

Ngem ni Jesus simmungbat cadacuada: Ni Amac agingga ita agararamid, ket agararamidac met. Gapu itoy ngarud dagidi Judio nagagawada á mangpatay kencuana; ta saan laeng á dina ngilinen ti aldaw á panaginana no di ket cunana pay á ti Dios isu ti Amana, nga impadana ti bagina iti Dios.

Mateo 1:23-25

Adtoy ti maysa á virgen agsi-cugto ket aganacto iti maysa á lalaki, Ket panaganandanto iti

Emmanuel; á no mayulog cayatna á saoen: Ti Dios adda cada-tayo. Iti casta ni Jose, idi á naciing iti turogna, inaramidna cas ti imbilin di angel ti Apo, ket inawatna ni asawana; Ket saanna a tinignay agingga ti impasngay-na ti umuna unay nga anacna á lalaki; ket pinanagananna ti Jesus.

*Ti Dara Ni Cristo Isut' Darat'  
Dios*

Dagiti Aramid 20:28

Kitaenyo ti bagiyo ken ti amin nga ipastoran á nangicabilan ti Espiritu Santo cadacayo á cas managaywan, tapno ipaarabyo ti Iglesia ti Dios, isu á ginatangna iti darana.

**Apocalipsis 1:5a ken 8**

**Ken aggapu ken Jesu-Cristo . . . Siac ti Alfa ken ti Omega, cuna ni Apo Dios, ti adda ita, ken ti adda idi ken ti umayto, ti Mannacabalin-amin.**

**Isu á nangluc-at cadatayo iti pannacabalin ti sipn̄get, ket inyalatiwnatayo iti pagarian ti dungdonḡoenna n̄ga Anac; A kencuana maaddaantayo ti pannacasubbot, ti pannacapacawan dagiti basbasoltayo: Isu á ladawan ti Dios á di makita, ti anac n̄ga inauna cadagiti amin á naparsua; Ta kencuana naparsua dagiti amin n̄ga adda cadagiti langlan̄git ken daga, makita ken saan á**

**makita, uray dagiti trono, wenno kinaturay wenno pagturayan, wenno dagiti pannacabalin; dagiti isu-amin naparsuada gapu kencuana ken maipaayda kencuana. —Taga Colosas 1:13-16**

**I Timoteo 6:14b-16**

**. . . Jesu-Cristo: Isu n̄ga inton aldawna iparan̄garangto ti bendito ken maymaysa á Mannacabalin, Ari dagiti ar-ari, ken Apo dagiti apap-po; Isu laeng n̄ga addaan iti saan n̄ga ipapatay, n̄ga agnaed iti maysa á lawag á di maasitgan, isu á saan á nakita ti uray siasino á tao, ket di met mabalin á kitaen: isu á madaydayaw ken agturay iti agnanayon.**

Idinto n̄ga isu ti raniag ti da-yagna, ken ti napaypayso á la-dawan ti kinadiosna, ket idinto á salimetmetanna dagiti isu-amin á banbanag iti sao ti pannacabalinna, idi naaramidnan ti pannacagugor dagiti basbasoltayo, nagtugaw iti macanawan ti Ari sadi n̄gato. — Hebreo 1:3

#### Taga Efeso 1:19-22a

Ken no ania á naindaclan unay ti pannacabalinna cadatayo á mamati cas iti panagar-aramid ti pigsa ti pannacabalinna. N̄ga inaramatda ken Cristo, idi pinagun̄garna cadagiti natay, ket impatugawna iti macanawanna cadagiti yan a nailan̄gitan, A na-

n̄gatn̄gato unay n̄gem ti amin á gobierno ken agturay ken pannacabalin ken kinaapo, ken iti isu-amin á nagan á managanan, saan la á daytoy á panawen, no di ket iti mapasun̄gad pay: Ket incabilna dagiti amin á banbanag iti babaen dagiti sacsacana . . . .

#### Juan 10:30 ken 38

Siac ken ti Ama maymaysacami. N̄gem no aramidec ida, uray no didac patien, patienyo dagiti aramid, tapno maammoyo ken maawatanyo á ti Ama adda caniac, ket siac addaac kencuana.

Ket intedna met kencuana ti kinaturay á mangocom, agsipud ta isu Anac ti tao. — Juan 5:27

# Ti Espiritu Santo Ti Mannacabalin Amin 13

## A Pannacabalin

*Isu Mannacabalin Amin, Iti  
Kinadios*

Ket ti Espiritu ti mangted ti pangpanecnec, gapu ta ti Espiritu ti pudno. — I Juan 5:7

**Dagiti Aramid 5:3-5**

Ngem kinuna ni Pedro: Ananias, apayapay pinunno ni Satanas ta pusom á mangulbod iti Espiritu Santo ken mangitidda ti naglacoan ti talon? No di coma nalaco, di coma natda kenca? ket uray nalaco, saan aya nga adda iti biangmo? Apay nga inawatmo daytoy á banag ita pusom? Saanca á nagulbod cadagiti tao, no di ket iti Dios. Ket ni Ananias,

idi mangegna dagitoy á sao, napasag ket nagwayaway ti cararuana. Ket nagkintayeg dagidi isuamin á nacangeg itoy.

*Punnoenna Dagiti Mamati,  
Mangted Tured*

**Dagiti Aramid 4:31**

Ket idi á nacapagcararagdan daydi disso á nacaurnonganda nagkintayeg; ket napnoda amin iti Espiritu Santo ket sinaoda á situtured ti sao ti Dios.

Ket ti inanama saan á pacai-babainan, ta ti ayat ti Dios nainparucpoc cadagiti puspusotayo, gapu iti Espiritu Santo, á naited cadatayo. — Taga Roma 5:5

## Hebreo 7:25

Gapuna, mabalinna met n̄ga isalacan agingga iti awan pagcuran̄ganna dagiti umasideg iti Dios gapu kencuana, ta isu agbiag n̄ga agnanayon tapno ibabaetna ida.

## Judas 24

Ket iti daydiay mannacabalin á manḡigaga cadacayo iti pannacaitibcolyo, ken manḡidatag cadacayo n̄ga awan pakapilawanyo iti sanḡoanan ti dayagna á buyugen ti naglaus á rag-o.

## II Taga Corinto 9:8

Ket ti Dios mabalinna á paa-duen ti isu-amin á parabur á maipaay cadacayo; tapno cadagiti

isuamin á banag agnanayon n̄ga adda cadacayo ti kinawadwad, tapno rumangaycayo á maipaay iti isu-amin n̄ga aramid á naimbag.

## II Timoteo 1:12b

...ta ammoc daydiay pinatic, ket mapnecac unay n̄ga isu mannacabalin á manḡaywan iti intallecco kencuana á maipaay iti daydiay n̄ga aldaw.

## Taga Roma 4:16c ken 20, 21

Abraham... No di ket, namati n̄ga awan duaduana iti cari ti Dios ket timmibker iti pammati, n̄ga pinadayawanna ti Dios, Ket napnec unay á ti incarina mabalinna met á tungpalen kencuana.



**Daniel 4:37**

Nġarud siac, ni Nabucodonosor, dayawec ken itandudoc ken itan-occo ti ari ti langit, agsipud ta amin nġa aramidna pudnoda, ket dagiti dalanna kinajusticia; ket isu mabalinna á pagpacumba-baen dagiti magna iti kinatangsit.

**Daniel 3:17 ken 26a, 27b**

No casta, ti Diosmi isu á pagservianmi mabalinnacami nġa isalacan iti horno á sumsumged ken dumardarang; ket ita imam, O ari, ilapsutnacamto. . . . Iti casta ni Nabucodonosor immasideg iti ruangan ti horno á dumardarang: nagsao ket kinunana, Sidrac, Misac ken Abdenago, dacayo

nġa ad-adipen ti Canġatoan á Dios, rumuar ket umaycayo ditoy . . . Ket . . . nakitada dagitoy á lallaki nġa ti apuy awan pannacabalinna cadagiti bagida, ti booc dagiti oloda saan met á nasiraman, ket ti sapinda saan met á nabaliwan, ket awan met ti anġot ti apuy nġa immay cadacuada.

Ta gapu iti panagsagabana met laeng iti pannacasulisog, mabalinna á badanġan dagiti masulisog. — Hebreo 2.18

*Pannacabalinna Iti Patay*

**Hebreo 11:19a**

A panpanunutenna nġa uray pay cadagiti natay mabalin ti Dios á pagunġaren . . .

Siasinoca á mangbabalaw iti adipen ti sabali? Iti imatang ni apona adda á sitatacder wenno maitublac. Nĕgem matengnĕgelto á sititibker; ta ti Apo manna-cabalin a mangtengnĕgel kencuana á sititibker. — Taga Roma 14:4

Taga Efeso 3:20, 21

Ket iti daydiay mannacabalin nĕga agaramid iti di matucod nĕga ad-adu nĕgem iti dagup ti isu-amin á mabalintayo á dawaten, wenno panunuten, cas iti pannacabalin nĕga agaramid cadatayo, Maipaay coma kencuana ti dayaw iti Iglesia ken ni Cristo Jesus, cadagiti isu-amin á caputotan nĕga agnayanon. Amen.

Dagiti Aramid 20:32

Ket ita, italeccayo iti Dios ken iti sao ti paraburna; isu á manna-cabalin á mamagsingpet ken mangted cadacayo ti tawid á mai-raman cadagiti isuamin á mapag-santo.

Taga Roma 11:1 ken 23

Cunac nĕgarud: Pinagtalaw aya ti Dios dagiti tattaona? Ni caanoman: ta siac Israelitaac met, capuonan ni Abraham, iti caputotan ni Benjamin. . . . Ket isuda met, no saanda nĕga agtalinaed iti kinaawan pammati, maisulbongdanto; ta ti Dios adda pannacabalinna á mangĕsulbong manen cadacuada.

## **Pannacabalin Ni Cristo A Mangpacawan Iti Basol 17**

**Dagiti Salmo 130:4**

**Ngem adda kenca ti pammacawan, tapno mapagbutnganca coma.**

**II Cronicas 7:14**

**No dagiti tattaoc, á nagaladanda iti naganco, agpacumbabada, ket agcararagda, ket sapulenda ti rupac, ken sumiasida cadagiti nangdangkes á dalanda; siac ngarud denggeto manipud langit, ket pacawanecto ti basolda, ket agasacto ti dagada.**

**Ania ti nalaclaca, ti panagcuna itoy saan á macagunay: Dagiti basbasolmo mapacawanda: wenno ti panagcuna: Tumacderca, ket alaem ti langcapim ket**

**magnaca? Tapno maammoanyo ngarud, á toy Anac ti tao adda pannacabalinna ditoy dagá á mamacawan cadagiti basbasol. Cunnana idi saan á macagunay: Cunnac kenca: Tumacderca, bagcatem ta langcapim ket inca idiy balaymo. Ket timmacder, ket binagcatna á dagus daydi langcapi, ket rimmuar iti sangoananda amin; iti casta nagsiddaawda amin, ket dinaydayawda ti Dios.... — Marcos 2:9-12a**

**Ket isuamin nga agsao iti maicaniwas iti Anac ti tao, mapacawanto; ngem ti agtabbaaw iti Espiritu Santo, saanto á mapacawan. — Lucas 12:10**

## 18 Pannacabalin Ni Cristo A Mangagas Iti Cararua

II Taga Corinto 5:17

Gapuna no ti maysa adda ken Cristo, isu baro á parsua: dagiti banag á daan napalabasdan, adtoy nagbalinda á baro.

Taga Roma 5:21

Tapno, cas ti panagari ti basol ken patay, casta met coma n̄ga agari ti parabur, gapu iti kinalinteg á maipaay iti biag n̄ga agnayanon, gapu ken Jesu-Cristo n̄ga Apotayo.

II Timoteo 1:10

N̄gem naiparan̄garang ita, á gapu iti panagparang ni manan̄gisalacan cadatayo á Cristo Jesus; isu á nangpucaw ken patay, ket imparan̄garangna ti biag ken ti

saan n̄ga ipapatay gapu iti evangelio.

Juan 11:26

Ket siasinoman nga agbiag ken mamati caniac, saanto á matay á pulós. Patiem daytoy?

II Taga Corinto 4:11

Ta dacami n̄ga agbiag, agnayanon á maiyawatcami ken patay gapu ken Jesus, tapno ti biag met ni Jesus maiparan̄garang iti lasagmi á matay.

Ti mannanacaw saan n̄ga umay no di tapno agtacaw, ken agpatáy, ken agdadael: siac immayac tapno maaddaanda ti biag ken tapno maaddaanda ti nawadwad unay. — Juan 10:10

## **Pannakabalin Ni Cristo A Mangagas Iti Bagi 19**

**Lucas 5:17**

**Ket napasamac iti maysa cada-gidi n̄ga aldaw n̄ga isu adda á manursuro, ket dagiti Fariseo ken mamasirib iti linteg addada n̄ga agtutugaw, isuda á naggapu iti isuamin á puroc ti Galilea, ken ti Judea ken Jerusalem: ket ti pannacabalin ti Apo adda kencuana tapno mang̃agas.**

**Ket maysa á babai, n̄ga agsag-sagaba iti panagbulos ti dara iti sang̃apulo ket dua á taoenen, isu rinaritna cadagiti mangn̄agas ti amin á cucuana, ket awan ti nacapaimbag kencuana, Immasideg iti licudan ni Jesus, ket sinagidna ti gayadan ti pagananayna; ket**

**naigiddato á nagsardeng ti panagbulos ti darana. — Lucas 8:43, 44**

**Marcos 6:56**

**Ket uray sadino á sercanna, cadagiti purpuroc wenno cadagiti ilili wenno cadagiti awayaway icabilda idi dagiti masacsakit cadagiti calcalsada, ket carcararaganda tapno ipalubosna cadacuada á sagiden uray laeng ti ping̃ir ti pagananayna: ket dagup dagiti simmagid kencuana, naagasanda.**

**Mateo 8:16**

**Ket idi malemen, inyegda kencuana dagiti adu á nagun-gan dagiti sairo; ket pinaruarna dagiti sairo iti sao, ket pinaimbagna dagiti amin n̄ga masacsakit idi.**

## 20 Pannacabalin A Mangagas Iti Amin A Kita Ti Sakit

**Mateo 8:3**

Ket inunnatna ti imana ket sinagidna á kinunana kencuana, cayatco, madalusanca coma. Ket naigiddato á daydi cucutelna napunas.

**Lucas 13:13**

Ket impatayna kencuana dagiti imana, ket dagus á napalinteg ket dinaydayawna ti Dios.

**Mateo 8:14, 15**

Ket idi immay ni Jesus iti balay ni Pedro, nakitana ni catuganġanna á babai nġa aggorigor á naidalit iti pagiddaan. Ket sinagidna ti ima daydi babai, ket ti gorigor pimmanaw kencuana: ket

isu bimmanġon, ket nagservi kencuana.

**Lucas 7:21**

Iti daydi nġa horas inagasanna dagiti adu cadagiti sacsakit ken anannayen, ken cadagiti espiritu á dakes: ket iniccanna ti pannacakita dagiti adu á bulsec.

**Lucas 22:50, 51**

Ket maysa cadacuada tinagbatna ti maysa á tagabu ti tura-yen dagiti papadi, ket piningasna ti lapayagna á macanawan. Nġem simmungbat ni Jesus ket kinunana: Bay-anyo, agingga itoy. Ket sinagidna ti lapayagna ket isu inagasanna.

## **Pannacabalin A Mangagas Iti Amin A Kita 21 Ti Sakit**

**Mateo 9:28-30a**

**Ket idi nacastrec iti maysa á balay, immasidegda kencuana dagidi bulsec; ket ni Jesus cunana cadacuada: Patienyo á mabalinco nãa aramiden daytoy? Cunada kencuana: Wen, Apo. Idin sinagidna dagiti matada, á cuncunana: Cas iti pammatiyo, maaramid coma cadacayo. Ket dagiti madata nalucatanda. . .**

**Mateo 8:5-7 ken 13**

**Ket idi simrec idiay Capernaum, immay kencuana ti maysa á Centurion á nagpacpacaasi kencuana, A cuncunana: Apo, ti ubingco adda á naidalit idiay ba-**

**lay á di macagunay, ket matoocan unay. Ket ni Jesus kinunana kencuana: Umayacto ket paimbagec. . . Ket ni Jesus kinunana idi Centurion: Incan, ket cas iti panamatim maaramid coma kencana. Ket daydi ubing naimbagan idi met la nãa horas.**

**Juan 5:5 ken 8, 9**

**Ket adda idiay idi ti maysa á tao nãa adda tal-lo pulo ket walo á tawenen á masakit. . . Cuna ni Jesus Kencuana: Tumacderca, bagcatem ta iddam ket magnaca. Ket naigiddato á daydi tao napaimbag, ket binagcatna di iddana ket nagna.**

## 22 Awan Sakit A Nacaro Unay A Di Maagasan Ni Jesus

Ket dimteng kencuana dagiti umariwecwec á tattao á nanġicúyogda cadagiti pilpilay, bulbulsec, umumel, singsingcol ken adu pay á sabali á masakit; ket incabilda ida iti sacaanan ni Jesus, ket isu pinaimbagna ida. — Mateo 15:30

Santiago 5:14a, 15a

Adda masakit cadacayo? paa-yabanna coma dagiti panglacayen ti Iglesia ket icararaganda coma, . . . Ket ti cararag ti pammati isalacannanto ti masakit, ket ti Apo paungarennanto . . .

Mateo 4:23

Ket ni Jesus linawlawna ti amin á Galilea, á nanġisursoro

cadagiti sinagogada, ken nanġicascasaba ti evangelio ti pagarian, ket nangpapaimbag cadagiti amin á kita ti sakit ken amin á kita ti an-annayen cadagiti umili.

Lucas 6:17b-19

. . . tapno mapaimbagda cadagiti saccakitda; Ken dagiti pinarparigat dagiti espiritu á narugit, naagasanda. Ket amin dagiti umariwecwec á tattao inagawaanda á sagiden: ta rumuar kencuana ti pannacabalin, ket pinaimbagna amin ida.

Ket simmurot kencuana dagiti adu unay á tattao, ket pinaimbagna ida sadiay. — Mateo 19:2



**Cadagiti Diablo**

**Ket ni Jesus inungtanna ti sairo ket rimmuar kencuana: ket ti baro naagasan nanipud idi n̄ga horas. — Mateo 17:18**

**Ket rimmuarda met cadagiti adu, dagiti sairo n̄ga agic-ickis ket cuncunada: - Sica ti Anac ti Dios; . . . — Lucas 4:41**

**Mateo 8:28-32a**

**Ket idi dimteng iti sabali n̄ga igid, iti daḡá dagiti Gadareno, immayda simmabet kencuana dagiti dua á nagun-gan dagiti sairo á rimiruarda idi cadagiti tanem, á naglausan ti uyongda n̄ga awan ti macaitured á lumabas idi á dalan. Ket adtoy, nagickisda á cun-**

**cunada: Sica Anac ti Dios. Ania ti bibiangmi kenca? Immayca ditoy tapno parigatennacami iti dina pay tiempo? Ket adda idi iti adayu cadacuada ti maysa n̄ga arban ti adu á babuy n̄ga agar-arab. Ket dagiti sairo nagdawatda kencuana, á cuncunada: No pagtalawennacami, ibaonnacami idiy arban ti babuy. Ket kinuana cadacuada: Incayo. . . .**

**Mateo 12:22**

**Idin inyegda kencuana ti maysa á nagun-gan ti sairo á bulsec ken umel; ket isu pinaimbagna ket nagbanaganna á daydi umel nacapagsao ken nacakita.**

## 24 Pannacabalin Ni Cristo A Mangpagungar Iti Natay

Lucas 7:14, 15

Ket immasideg ket sinagidna ti lungon; ket dagiti nagawit nagsardengda. Ket cunana: Baro, cunac kenca, Bumanḡonca. Ket bimmangon daydi natay ket nangrugi á nagsao. . . .

Juan 11:23-25 ken 43, 44

Cuna kencuana ni Jesus: Agunḡarto ni cabsatmo. Ni Marta cunana kencuana: Ammoc nḡa agunḡarto inton panagunḡar iti camaudianan nḡa aldaw. Cuna kencuana ni Jesus: Siac ti panagunḡar ken ti biag: ti mamati caniac, uray no matay, agbiagto pay. . . . Ket idi nasaona dagitoy,

pimmuccaw iti napigsa á timec: Lázaro, rumuarca. Daydi natay rimmuar á sipapatapat dagiti imima ken sacsacana cadagiti bedbed, ket ti rupana adda á nabunḡon iti maysa nḡa lupot.

Lucas 8:49 ken 54, 55a

Ket idi agsasao pay laeng, immay ti maysa á naggapu iti balay ti panguloen ti sinagoga á cuncunana: Tay anacmo á babai natayen, dica bannogen ti Manursuro. . . . Nḡem isu, idi nḡa iniggamanna iti imana, nagpucaw á kinunana: Balasang, bumanḡonca. Ket nagsubli ti espiritu ket bimmangon a dagus. . . .

**Dagiti Aramid 24:15**

Nga adda inanamac iti Dios, a cas ti pananginanama met laeng dagitoy, nga addanto panagungar dagiti nalinteg ken dagiti nakil-lo.

**Juan 6:40**

Ta daytoy ti pagayatan ni Amac: Nga tunggal maysa á macakita iti Anac ket mamati kencuana, adda coma biagna nga agnanayon: ket isu pagungarecto iti camaudianan nga aldaw.

Ta ti Apo met laeng aggapunto sadi langit á buyugen ti ariwawa, ti timec ti arcangel ken ti trompeta ti Dios, ket dagiti natay ken Cristo humangondanto nga umuna. — I Taga Tesalonica 4:16

**Juan 5:28, 29a**

Dicay pagsiddaawan daytoy, ta umay ti horas á dagiti amin nga adda cadagiti tanem mangngedanto ti timecna. Ket rummuar-danto . . . .

**II Taga Corinto 4:14**

Nga ammomi á ti namagungar ken Apo Jesus, pagungarennacanto met gapu ken Jesus; ket iparangnacanto á maicuyog cadacayo.

**Juan 5:25**

Pudno, pudno, cunac cadacayo. Umay ti horas, ket adda itan, á dagiti natay mangngedanto ti timec ti Anac ti Dios; ket dagiti agdengngeg, agbiagdanto.

## 26 Ti Awan Patpatinggana A Pannacabalin Ni Cristo

**Mateo 28:18**

Ket immasideg ni Jesus cada-cuada, ket kinasadona ida, á cuncunana: Isuamin á pannacabalin naited caniac idiy langit ken iti rabaw ti dagá.

**Taga Roma 1:20**

Ta dagiti banbanagna á di makita, nãa isuda ti agnanayon á pannacabalin ken ti kinadionsa maipacaammoda á nalawag, ta maipakitada gapu cadagiti inaramidna nanipud idi pannacaparsua ti lubong, tapno awan ti pagpambarda.

**I Pedro 3:22**

Isu, nãa idinto nãa immuli sadi langit adda iti macanawan ti

Dios, á paiturayanda kencuana dagiti angel ken dagiti kinaturay ken dagiti pannacabalin.

**Apocalipsis 3:7b**

...Dagitoy á banbanag cuna ti santo, ti napudno, ti addaan ti tulbec ni David, ti manglucacat, ket awan ti macapunit, ken ti mangpunit ket awan ti macalucacat.

**II Pedro 1:3**

Idinto nãa iti nadiusan á pannacabalinna intedna cadatayo dagiti isu-amin á banbanag á maipaay iti biag ken kinasingsingpet, gapu iti pannacaammo kencuana á nangayab cadatayo babaen iti dayag ken pannacabalinna met laeng.

## **Ti Awan Patpatinggana A Pannacabalin Ni Cristo 27**

*A Mangammo Cadagiti Isuamin  
A Banbanag*

**Juan 2:25**

Ken gapu ta awan ti pacasapulanna n̄ga adda mangpanecnec kencuana iti maipapan iti tao; ta isu met laeng ammona ti adda iti tao.

**Taga Roma 2:16**

Intono aldaw á ti Dios oco-mennanto dagiti palpalimed dagiti tattao, gapu ken Jesu-Cristo cas mayannurot iti evangelio.

*A Mangpacan Cadagiti Lima  
Ribu (5,000)*

**Mateo 14:17-21**

Ket kinunada: Adda cadacam ditoy limlima laeng á tinapay ken

dua n̄ga ican. Ket kinunana cada-cuada: yegyo ida caniac ditoy. Ket imbilinna cadagiti adu á tao n̄ga agtugawda iti carootan, ket innalana dagiti lima á tinapay ken dagiti dua n̄ga ican ket intangadna dagiti matana iti langit, binendicionanna; ket pinispisina, ket intedna dagiti tinapay cadagiti adalan, ket dagiti adalan intedda cadagiti adu á tao. Ket nanganda amin, ket nabsogda, ket inacupda dagiti pispisi á natda, sangapulo ket dua n̄ga alat á napno. Ket dagidi nanggan agli-mariboda á tattao, malacsid dagiti babbai ken ubbing.

## 28 Ti Awan Patpatinggana A Pannacabalin Ni Cristo

*A Magna Iti Rabaw Ti Danum*  
**Mateo 14:25**

Ket iti maicapat á panagbantay iti rabii, ni Jesus napan cadacuada á nagnagna iti rabaw ti baybay.

*A Mangpasardeng Iti Amin*  
*A Tудо*

**Apocalipsis 11:6**

Dagitoy adda pannacabalinda á mangrikep iti langit, tapno saan á tumudo iti bayat dagiti aldaw ti panagpadtoda; ket adda pannacabalinda cadagiti dandanum, tapno pagbalinenda ida á dara, ken tapno saplitenda toy daga iti isu-amin á kita ti rigat, uray mano á daras ti cayatda.

*A Mangpatalna Iti Bagio Ken Baybay*

**Mateo 8:26**

Ket ni Jesus cunana cadacuada: Apayapay agbutengcayo, O dacayo á bassitan pammati? Idin, bimmanḡon ket inatipana dagidi anḡin ken di baybay, ket naglinac unay.

*A Mangtengngel Iti Sibubukel A Daga*

**Taga Colosas 1:16b, 17**

...dagiti isu-amin ñaparsuada gapu kencuana ken maipaayda kencuana; Ket isu ti umuna cadagiti isuamin nḡa adda, ket isu-amin á bambánag addada kencuana.

## Ti Awan Patpatinggana A Pannacabalin Ni Cristo 29

**Taga Roma 6:9**

Nga ammotayo á ni Cristo, idinto á nagunġar cadagiti natay, saan á matayen: Ti ipapatay saanen nġa agturay kencuana.

**Taga Roma 8:11**

Nġem no ti Espiritu daydi namagunġar ken Jesus cadagiti natay, agnaed cadacayo, daydi namagunġar ken Cristo cadagiti natay biagennanto met dagiti bagbagiyo a matay, babaen ti Espirituna nġa agnaed cadacayo.

**Dagiti Salmo 66:1-4**

Aramidem ti macaparagsac nġa aweng iti Dios, dagup ti sanġadagaan: Icantam ti dayag ti naganana: padayagem ti pannacaiday-

dayawna. Cunaem iti Dios, Amanġan á nacaamames dagiti ar-aramidmo! Gapu iti cadackel ti pannacabalinmo dagiti cabcabusormo maparucmadanto kenca. Ti amin á daga agdaydayawto kenca, ket cancantaannacanto; cantaandanto ti naganmo.

*Pannacabalin Iti Pagarianna*  
**I Taga Corinto 4:20**

Ta ti pagarian ti Dios saan nġa iti sinasao no di ket iti pannacabalin.

**Apocalipsis 17:14a**

Dagitoy gubatendanto ti Cordero; ket ti Cordero abakennanto ida, ta isu ti Apo dagiti ap-apo, ken Ari dagiti ar-ari.

### 30 Ti Awan Patpatinggana A Pannacabalin Ni Cristo

*Pannacabalinna Iti Isuamin A Biag*

Cas iti pannangtedmo kencuana ti pannacabalin iti amin á lasag, tapno dagiti amin n̄ga intedmo kencuana iccana coma ida ti biag n̄ga agnanayon. — Juan 17:2

*A Mangpagungar Iti Bucodna  
A Biag Manen*

Gapu iti daytoy ayatennac ni Ama, ta itedco ti biagco, tapno awatecto manen. Awan ti manḡ-iccat caniac no di ket iyawatco á sisiac. Adda pannacabalinco á mangyawat ti biagco ken adda pannacabalinco met á manḡawat manen, Daytoy á bilin inawatco ken Amac. — Juan 10:17, 18

*A Mangiparangarang Iti  
Nailangitan A Gloria*

Ket nagbaliw iti san̄goananda; ket naglawag ti rupana á cas la ti init, ket dagiti pagananayna nagbalinda á napudaw cas iti lawag. — Mateo 17:2

*Nga Agsubli Iti Pannacabalin  
Ken Gloria*

Mateo 26:64

Ni Jesus cunana kencuana: Si-naomon: Ket cunac pay cadacayo n̄ga iti masan̄goanan makitayonto toy Anac ti tao n̄ga agtugaw iti macanawan ti Pannacabalin n̄ga umay iti rabaw dagiti ulep ti lanḡit.



## Ti Awan Patpatinggana A Pannacabalin Ni Cristo 31

*A Mangpacawan Kadagiti Basol*  
Mateo 9:6

Ngem tapno maammoanyo á ti Anac ti tao adda pannacabalinna ditoy dagá á mamacawan cadagiti basbasol, (idin cunana iti saan á macagunay:) Bumañgonca, alaem ta iddam, ket inca idiay balaymo.

*A Mangted Agnanayon A Biag*  
Juan 10:27, 28a

Dagiti carneroc denggenda ti timecco, ket ammoc ida ket surutendac; Ket siac iccac ida ti biag nã agnanayon....

*A Mangsubbot Ti Siasinoman*  
Lucas 24:47

Ket maicascasaba ti naganna

ti panagbabawi ken ti pannacabalin subbot dagiti basbasol cadagiti isuamin á nacion, á mangrugi iti Jerusalem.

*Mamagballigi Iti Siasinoman*  
II Timoteo 4:18a

Casta met ilisinacto ti Apo iti isu-amin á dakes nã aramid, ket isalacannacto á maipaay iti pagarianna á nailangitan....

*A mangsalimetmet Iti Adda Ti*  
Pammati

I Taga Corinto 2:5

Tapno ti pammatiyo saan coma á mabanõn iti kinasirib dagiti tattao, no di iti pannacabalin ti Dios.

Gapuna met á ti Dios intanocna iti canġatoan unay, ket iniccanna ti nagan á natantan-oc nġem iti amin á nagan; Tapno, iti nagan ni Jesus, isuamin á tumeng agparintumeng, dagiti adda sadi langit, dagiti adda iti daga . . . . — Taga Filipos 2:9, 10a

Juan 20:31

Nġem dagitoy addada á nairurat, tapno patienyo á ni Jesus isu ti Cristo, ti Anac ti Dios; ken tapno gapu iti pammatiyo maaddaancayo ti biag iti naganna.

Marcos 9:38b, 39

. . . Mannursuro, nacakitacami ti maysa á tao nġa iti naganmo paruarena dagiti sairo; ket im-

paritmi kencuana, ta dinatay suruten. Nġem ni Jesus kinunana: Dicay ipawil kencuana dayta; ta awan ti tao á macaaramid iti maysa á datdatlag gapu iti naganco, ket sa isaganadna ti agsao ti dakes caniac.

Ket ti aniaman á dawatenyonto iti naganco, dayta ti aramidecto . . . . — Juan 14:13a

Dagiti Aramid 3:6, 7

Ket ni Pedro kinunana: . . . iti nagan ni Jesu-Cristo á taga Nazaret, magnaca. Ket isu inigamanna iti imana á macanawan, ket pinatacderna: ket naidgiddato á timmibker dagiti sacsa-ca ken lansalansana.

## Ti Pannacabalin Iti Nadiosan A Dara Ni Cristo 33

Taga Efeso 1:7

Ket kencuana maaddaantayo ti pannacasubbot gapu iti darana, ti pannacapacawan dagiti basbasol, á mayannurot iti kinabacnang ti paraburna.

Apocalipsis 12:11a

Ket isu inabacda gapu iti dara ti Cordero ken gapu iti sao ti pammanecnecda.

Hebreo 13:20, 21

Ket ti Dios ti talna, á nanġisu-bli manipud cadagiti natay iti dackel á pastor dagiti carnero, ni Apotayo á Jesus, gapu iti dara ti agnanayon á tulag, Aramidenna-cayo coma á naananay cadagiti isu-amin á banbanag, tapno ara-

midenyo coma ti pagayatanna, nġa aramidenna coma cadatayo ti macaay-ayo iti imatangna, gapu ken Jesu-Cristo. Isu á maday-dayaw coma iti agnanayon nġa awan inggana. Amen.

... Dagitoy isuda dagiti naggapu iti dackel á rigat, ket binug-goanda dagiti pagananayda, ket pinapudawda ida iti dara ti cordero. — Apocalipsis 7:14b

I Juan 1:7

Nġem no magnatayo iti lawag, cas isu adda iti lawag, adda pannakicadcadduatayo iti maysa ken maysa, ket ti dara ni Jesus nġa Anacna ugasannatayo iti amin á basol.

## 34 Madaydayaw Ti Dios Gapu Iti Pannacabalinna

Apocalipsis 5:12

A cuncunada iti dackel á timec: Maiparbeng daydi Cordero á napapatay idi, nãa umawat iti kinapigsa, ti kinabacnang ken ti kinasirib, ken ti pannacabalin, ket ti dayaw ken ti dayag, ken ti bendicion.

Dagiti Salmo 102:15 ken 18b

Iti casta dagiti nasnacion pagbutngandanto ti nagan ni Jehova, ket amin dagiti ar-ari ditoy daga pagbutngandanto dayta dayagmo: . . . ket ti umili á maparsuanto idaydayawdanto ni Jehova.

Nãgem, dacayo ti napili á caputotan, ti naarian á kinapadi,

nasantoan á nacion, ili á cucua ti Dios; tapno ipaduyacyacyo dagiti kinatan-oc daydiay nangayab cadacayo manipud kinasipnãget inggana iti nacascasdaaw á lawagna. — I Pedro 2:9

Dagiti Salmo 22:23a

Dacayo nãa agbuteng ken Jehova, idaydayawyo . . .

Dagiti Salmo 67:5-7

Dagiti tattao idaydayawdaca coma, O Dios; amin nãa tattao idaydayawdaca coma. Ti daga pinaaduna ti apit: ti Dios, ti met laeng Diostayo, bendicionannatayto. Ti Dios bendicionannatayto; ket amin dagiti pungto ti daga agbutengdanto kencuana,

## **Ania Ti Aramidec Tapno Maaddaanac Ti Biag 35 Nga Agnanayon?**

**Mateo 19:16b, 17a, ken 17c-21**

... Mannursuro. Ania ti naimbag nga aramidec tapno maaddaanac ti biag nga agnanayon? Ket kinunana kencuana: . . . Ngem no calicagumam ti sumrec iti biag salimetmetam dagiti bilibilin. Kinunana kencuana: Ania-da? Ni Jesus kinunana: Dica mapapatay; Dica makiabig iti saanmo nga asawa; Dica agtacaw; Dica agsao ti natiri á pangpanec-nec; Dayawem da amam ken inam: ket Ayatem ti caarobam á cas met iti bagim. Cuna kencuana di baro: Amin dagitoy tinungpalcon: Ania pay ti pagcurangac?

Ni Jesus kinunana kencuana: No cayatmo nga naananayca, inca, ilacom ti amin nga adda kenca, ket itedmo cadagiti napanglaw ket maaddaancanto ti kinabacnang idiay langit, ket umayca, surutennac.

**Marcos 1:14b, 15**

... Jesus simrec . . . cuncunana: Naturposen ti aldaw ket ti pagarian ti Dios asidegen: agbaba-wicayo ket patienyo ti evangelio.

Ngem cadagiti amin nga imawat kencuana, iniccanna ida ti calintegan nga agbalin nga anac ti Dios, cadagidiay á mamati iti nagganna. — Juan 1:12

## 36 Ni Cristo Ti Dalan, Ti Pudno, Ti Biag

Ta ti linteg naited gapu ken ni Moises; ti parabur ken ti kina-pudno immayda gapu ken Jesu-Cristo. —Juan 1:17

Ni Jesus cunana kencuana: Siac ti dalan, ken ti pudno ken ti biag: awan ti umay ken Ama, no di magna caniac. —Juan 14:6

Asino ti náulbod, no di daydiay mangilibac á ni Jesus isu ti Cristo? Daytoy isu ti anticristo, daydiay mangilibac iti Ama ken iti Anac. —I Juan 2:22

Sumreccayo iti ruangan a naitet; ta acaba ti ruangan, ken nalawa ti dalan á mangiturong iti pacadadaelan, ket adu dagiti sum-

rec kencuana. Ta naitet ti ruangan ken akikid ti dalan á mangiturong iti biag ket nataccon dagiti macasarac kencuana.

—Mateo 7:13, 14

Adda idi kencuana ti biag, ket ti biag isu idi ti silaw dagiti tao. —Juan 1:4

Ta cas ti Ama adda kencuana met laeng ti biag, casta met impaayna nga ti Anac adda biag kencuana met laeng. —Juan 5:26

Siac ti tinapay á sibibiag á bimmaba nanipud langit: no adda mangán itoy á tinapay, agbiagto nga agnanayon . . . —Juan 6:51a

## Ni Cristo Laeng Ti Pannacabalin A Maipaay 37 Iti Pannacaisalacan

Hebreo 9:24-28

Ta saan á simrec ni Cristo iti maysa á santo á disso n̄ga inaramid ti ima, n̄ga isu ti catulad ti napudno, no di ket idiaŷ langit met laeng, tapno agparang ita iti san̄goanan ti Dios gapu cadatayo: Ket saan met á masapul n̄ga idatonna ti bagina iti mamin-adu, á cas iti can̄gatoan á padi sumrec iti tinao-en á man̄gipan iti dara ti sabali; Ta no saan coma á casta, nasapulna coma ti nagsagaba iti naminadu nanipud idi pannacabangon toy lubong: n̄gem ita, naminpinsan laeng iti panungpalan adu á pannawen, isu naiparan̄ga-

rang á maipaay iti panangpucaw ti basol, gapu iti pannacaidaton ti bagina met laeng. Ket gapu ta naituding cadagiti tattao á matayda iti maminpinsan, ket inton malpas daytoy ti pannacaocom: Casta met ni Cristo, idinto á naidaton iti naminsan, tapno awitena dagiti basbasol dagiti adu, ti maicadua agparangto saan a gapu iti basol, no di ket maipaay iti pannacaisalacan dagiti agururay kencuana.

...ta awan ti sabali á nagan iti babaen ti langit, á naited cadagiti tao á pacabalinantayo á maisalacan. - Dagiti Aramid 4:12b

## 38 Pannacabalin Ni Cristo A Mangisalacan Iti Awan Patpatinggana

I Timoteo 1:15

Papatien daytoy á sao, ket maiparbeng n̄ga awaten dagiti isuamin, á ni Cristo Jesus immay ditoy lubong tapno isalacanna dagiti managbasol; ket siac ti cangronaan cadacuada.

Taga Roma 1:16a, 3:24, 25a

Ta diac ibain ti evangelio; ta isu ti pannacabalin ti Dios á maipaay iti pannacaisalacan ti tunggal maysa á mamati; . . . Idinto á maibilangda á nalinteg n̄ga awan ti baybayadna gapu iti paraburna, á maaramat ti pannacsubbot n̄ga adda ken Cristo Jesus: Isu n̄ga impaay ti Dios á daton

ti pannakicappia, gapu iti pammati iti darana, tapno maiparangarang ti kinalintegna.

Juan 4:14

N̄gem siasinoman n̄ga uminum iti danum n̄ga itdecto kencuana, uray caano saanto á mawawen; no di ket ti danum n̄ga itdecto kencuana agbalinto kencuana n̄ga ubbog ti danum n̄ga agburayoc á maipaay iti biag n̄ga agnanayon.

Lucas 10:19

Adtoy iniccancayo ti pannacabalin á pumayat cadagiti ul-uleg ken manggagama ken iti amin á pannacabalin ti cabusor; ket awanto ti mangnanano cadacayo.



## Ti Pannacaisalacan Saan A Nalaca, Ngem Libre 39

*Awan Napatpategen Ngem Impaay Ti Dios*

**Juan 3:16**

Ta casta la unay ti panagayat ti Dios iti lubong; n̄ga intedna ti Anacna á Bugbugtong, tapno amin á mamati kencuana, saan á mapucaw, no di ket adda biagna n̄ga agnanayon.

Ti Apo Iti Isuamin A Naparsua Natay A Maipaay Cadatayo Amin!

**Lucas 23:34a ken 46**

Ket ni Jesus kinunana: Ama, pacawanem ida, ta dida ammo ti aramidenda. . . . Ket ni Jesus im-mawag iti dackel á timec, ket kinunana: Ama, cadagita imam

ti pan̄gitalcac itoy cararuac. Ket idi á nasaonan nauyusanen.

*Libre A Maipaay Kadatayo No Awatentayo*

**Apocalipsis 22:17**

Ket daydi Espiritu ken daydi novia cunada: Umayca! ket ti dumn̄geg, cunaenna coma: Umayca! Ket ti mawaw, umay coma. Ket ti mayat, awatenna ti danum ti biag, n̄ga awan baybayadna.

Siac cadacuada, ket sica caniac, tapno agmaymaysada n̄ga awan pagcuran̄ganna coma; ket ti lubong maammoanna coma á sica imbaonnac, ket inayatmo ida á cas met iti panan̄gayatmo caniac.

— Juan 17:23

## 40 Sumoko Kan A Naananay Ken Jesu-Cristo, Nga Apo

*I pudnom Dagiti Basbasolmo Ket Agbabawica*

**I Juan 1:9**

No ipudnotayo dagiti basbasoltayo, isu ti mapagtalcan ken nalinteg á mamacawan cadagiti basbasoltayo, ken mangugas cadatayo iti amin á kinakillo.

**Dagiti Aramid 3:19a**

Agbabawicayo ngarud, ket agsublicayo tapno mapunas dagiti basbasolyo . . . .

**I Juan 5:11, 12**

Ket daytoy isu ti pammanec-nec: A ti Dios iniccannatayo iti biag nga agnanayon, ket daytoy á biag adda iti Anacna. Ti agicut iti Anac, adda biagna; ti

saan a mangupicup iti Anac ti Dios, awan kencuana ti biag.

**Juan 3:36**

Ti mamati iti Anac, adda biagna nga agnanayon; ngem ti saan nga agtulnog iti Anac, saannanto á makita ti biag, no di ket ti pungtot ti Dios agtaeng kencuana.

**Taga Roma 6:16**

Dicay ammo aya nga iti pangidatonanyo á siannugot cadagiti bagbagiyo met laeng isu dayta ti mangadipen cadacayo, uray iti basol tapno ipatay, uray iti kinatuloc á maipaay iti kinalinteg?

**Taga Roma 6:13a**

. . . no di ket idatonyo dagiti bagbagiyo met laeng iti Dios . . . .

## **Pannacabalin Ti Dios Kadagiti Pudno A Mamati 41**

*Ayat Iti Lugar Ti Buteng*

**II Timoteo 1:7**

Ta saannatay n̄ga iniccan ti Dios ti espiritu ti kinatacrut, no di ti kinatibker, ken ti ayat, ken ti naimbag á nakem.

*Ayat Iti Lugar Ti Gura*

**I Juan 4:20, 21**

No adda agcuna: Siac ayatec ti Dios, ket guraenna ni cabsatna, isu ti maysa á naulbod ta ti saan n̄ga agayat iti cabsatna, isu á nakitana, saanna á mabalin n̄ga ayaten ti Dios, isu á dina nakita. Ket daytoy á bilin á naadda cadatayo nagtaud kencuana: N̄ga ti agayat iti Dios, ayaten-na met coma ni cabsatna.

**Taga Galacia 5:22, 23**

N̄gem ti bun̄ga ti Espiritu ayat, rag-o, talna, mabayag á panagitured, kinaanus, kinalaing, kina-managtalec, Kinaemma, panagteppel: awan linteg á maibusor cadagitoy á banag.

**Taga Roma 8:35 ken 37**

Siasino ti manḡisinanto cadatayo iti ayat ni Cristo? tinto ladingit? wenna ti rigat? ti pannakaidadanes? wenna ti bisin? wenna ti kinalamolamo? wenna ti peggad? wenna ti campilan?... Saan, no di ket cadagitoy amin á banbanag agbal-ligitayo, pay á naananay, gapu iti daydiay nagayat cadatayo.

## 42 Pannacabalin Ti Dios Kadagiti Pudno A Mamati

*Naayat A Panangaywan, Awan Liday*

Ti panagbiagyo mayadayu coma iti kinaagum iti pirac; á mapneccayo coma iti adda cadacayo: ta isu met laeng kinunana; Saan-canto á panawan, ket dicanto baybay-an. — Hebreo 13:5

*Talna Iti Lugar Ti Tuoc*

Ti talna ibatic cadacayo, ti talnac itdec cadacayo: saan á cas iti panangited ti lubong ti panangitedco cadacayo. Saan coma nga agpulcoc ti pusoyo ken di agbuteng. — Juan 14:27

Taga Roma 5:1

Idinto n̄garud á mapalintegta-yo gapu iti pammati, addaantayo

ti pannakicappia, iti Dios, gapu ken Apotayo á Jesu-Cristo.

*Pudno A Kinabacnang, Awan Kinaagum*

Lucas 12:15

Ket kinunana cadacuada: Kita-enyo ket agaluadcayo iti amin nga agum; ta ti biag ti tao saan nga adda iti caadu dagiti gameng á cupcupcupanna.

Santiago 2:5

Dumn̄gegcayo, ay-ayatec á cabsatco; saan aya á pinili ti Dios dagiti napanglaw no maipapan itoy lubong, á maipaay iti kinabacnang iti pammati, ken agta-wid iti pagarian nga incarina cadagiti agayat kencuana?

## Pannacabalin Ti Dios Kadagiti Pudno A Mamati 43

*Talged, Saan A Pagduaduaan*  
I Juan 5:13

Dagitoy á banbanag insuratco cadacayo, tapno maammoanyo n̄ga addaancayo ti biag n̄ga agnayanon: cadacayo á mamati iti nagan ti Anac ti Dios.

*Kinatarnaw Iti Lugar Ti Pannacatiritir*

Idinto á ginugoranna dagiti cararuayo iti kinatulnogyo iti pudno, á maipaay iti ayat á pudno dagiti cacabsat, agayan-ayatcayo iti nasged, á buyugen ti nadalus á puso. — I Pedro 1:22

I Timoteo 1:5

N̄gem ti pacaipaayan ti bilin isu ti ayat n̄ga agtaud iti maysa

á puso á nadalus, ken iti maysa á naimbag á nakem ken ti pammati á di balinbalinen.

*Nadiosan A Rag-o Iti Lugar Ti Kinaladingit*

Taga Roma 15:13a

Ket ti Dios ti inanama punnoennacayo coma iti amin á ragsac ken cappia iti panamati....

Dagitoy sinaoc cadacayo, tapno ti rag-oc agtaeng coma cadacayo, ket ti rag-oyo agdanunan coma. — Juan 15:11

Ket dacay n̄garud ita adda ladingityo: n̄gem makitacayto manen ket agragsacto ti pusoyo, ket awanto ti macaiccat cadacayo ti ragsacyo. — Juan 16:22

## 44 Pannacabalin Ti Dios Kadagiti Pudno A Mamati

*Bileg Iti Lugar Ti Kinakapuy*  
Taga Efeso 6:10

Panungpalanna, cacabsat, agsarikekedcayo iti Apo ken iti pigsa ti pannacabalinna.

*Namnama Iti Lugar Ti Panagduadua*

Nga ur-urayen daydiay inanima á nagasat, ken ti panagparang á sidadayag ti dackel á Dios ken Manangisalacan cadatayo á ni Jesu-Cristo. —Tito 2:13

Hebreo 6:18, 19

Tapno gapu cadagiti dua á banag á di agbalbaliw, isu á saan á nabalín á pagulbodan ti Dios, adda maysa á napigsa á pagbilangtayo, datayo á nagtálaw tapno

agcamangtayo, babaen ti panginanaan á naicabil iti sanġoanantayo: Isu nga icutantayo á cas la maysa á sinipete ti cararua, inanama á napaypayso ken natibker, ket sumrec nga agingga iti uneg ti abong.

*Napudno Iti Lugar Ti*  
*Panagulbod*

I Pedro 2:12

A patacnengenyó coma ti panagbibiyago iti tengnga dagiti Gentil; tapno dayta pagsao-anda iti dakes cadacayo, á cas la managaramid iti dakes, gapu cadagiti nasayaat nga aramidyo á makitada, dayawenda coma ti Dios iti aldaw ti pannacaocom.

## Pannacabalin Ti Dios Kadagiti Pudno A Mamati 45

*Balligi Iti Lugar Ti Pannacaabac*

Ta ti aniaman á mabukel iti Dios, parucmaenna ti lubong ket daytoy ti panagbal-ligi á pang-parucma iti lubong, isu ti pammattitayo. —I Juan 5:4

Apocalipsis 15:2

Ket nacakitaac iti maysa á cas la baybay á sarming á nalao-can ti apuy; ket dagidiay nagbal-ligi iti daydi animal ken ti lada-wanna, ken ti bilang ti naganna, agtatacderda iti igid daydi bay-bay á sarming nga addaanda cadagiti arpa ti Dios.

*Panagdackel Iti Lugar Ti*

*Kinaubing*

A cas ubbing á caiyanac, tari-

gagayanyo ti awan lalaocna á gatas á naespirituan tapno dumackelcayo gapu kencuana á maipaay iti pannacaisalacan. —I Pedro 2:2

Hebreo 6:1

Gapuna, bay-antayon dagiti nagdamdamoan á sursuro ni Cristo, ket agtuloytayo iti naananay á sursurona: á ditay mangicabil manen ti cimienta ti panagbaw-i cadagiti ar-aramid á natay, ken ti pammati iti Dios.

*Pataudenna Ti Pannacaiyasping*

*Ken Cristo*

I Juan 2:6

Ti agcuna nga agtalinaed kencuana, rebbengna met ti magna á cas iti pannagnana idi.

## 46 Pannacabalin Ti Dios Kadagiti Pudno A Mamati

*Bileg Iti Makin-uneg A Kinatao*

Tapno ipaayna coma cadacayo cas iti kinabacnang ti dayagna á mapapigsacayo iti pannacabalin, iti tao á makin-uneg; gapu iti Espirituna. — Taga Efesos 3:16

Taga Filipos 4:13

Mabalinac dagiti amin á banbanag gapu iti daydiay mampigsa caniac.

*Saan Nga Agsadag Iti Kinasirib Ti Tao*

I Taga Corinto 2:4

Ket ti panagsaoc ken ti panangascasabac saan á binuyog dagiti macauy-uyot á sao ti kinasirib, no di ket ti pannacaipakita ti Espiritu ken ti pannacabalin.

*Pannacabalin Nga Agsacsi*

Dagiti Aramid 1:8

Ngem umawatcayto ti pannacabalin, inton umay cadacayo ti Espiritu Santo; ket dacayto ti sacsic sadi Jerusalem, . . . ken agingga iti ungto ti dagá.

Dagiti Aramid 5:32

Ket dacami ti macasacsi cada-gitoy á banag, ken casta met ti Espiritu Santo, isu nga inted ti Dios cadagiti agtulnog kencuana.

Dagiti Aramid 4:33

Ket dagidi apostol pinanecnecanda iti dackel á pannacabalin, ti panagungar ni Apo Jesus: ket adda dackel á parabur cadacuada amin.



## **Pannacabalin Ti Dios A Mangaywan Kadagiti Mamati 47**

**Juan 17:15**

Diac dawaten n̄ga iccatem ida ditoy lubong, no di ket igagam coma ida iti dakes.

Ket ti talna ti Dios, á daegan-na ti amin á pannacaawat, aywannanto dagiti puspusoyo ken dagiti panunoty ken Cristo Jesus.  
— Taga Filipos 4:7

**Lucas 10:19**

Adtoy iniccancayo ti pannacabalin á pumayat cadagiti ul-uleg ken manggagama ken iti amin á pannacabalin ti cabusor; ket awanto ti mang̃anano cadacayo.

**Apocalipsis 3:10**

Gapu ta sinalimetmetam ti

saoc á siaanos, siac igagacanto met iti horas ti pannacasuut isu n̄ga umayto iti isu-amin á lubong á natao-an, tapno masuut dagiti agnaed iti ra-baw ti daga.

Ket ti agbal-ligi ken mangsalimetmet cadagiti aramidco agingga iti panungpalan, itdecto kencana iti panagturay cadagiti pagpagarian. — Apocalipsis 2:26

**Taga Efesos 6:10b, 11**

. . . agsarikekedcayo iti Apo ken iti pigsa ti pannacabalinna. Icawesyo ti amin á cabal á nadiosan tapno mabalinyo ti agtalinaed á bumusor cadagiti pangal-lilaw ti sairo.

## 48 Naananay A Saclawen Dagiti Karkari Ti Dios

*Kukuatayo Babaen Ti Pammati,  
Ti Laeng Awan Patinggana A  
Diostayo Ti Makatungpal*

**Mateo 21:22**

**Ket amin á dawatenyonto iti panagcararag, no sipapaticayo, awatenyonto.**

**Juan 15:7, 8**

**No agnaedcayo caniac, ket dagiti saoc agtaengda cadacayo, dawatenyo ti aniaman á cayatyo ket maaramidto cadacayo. Daytoy ti pacaidaydayawan ni Amac, nga agbungacayo ti adu, ket agbalincay coma nga adalac.**

**Mateo 7:7, 8**

**Agdawatcayo, ket maiccancayto; agsapulcayo ket macasarac-**

**cayto: umawagcayo ket mailucantancayto. Ta ti siasinoman nga agdawat umawat; ket ti agsapul macasarac; ket ti umawag mai-luctanto.**

**Juan 14:12-14**

**Pudno, pudno, cunac cadacayo, ti mamati caniac, dagiti aramid nga aramidec, aramidennanto met, ket dadackelto pay ngem dagitoy ti aramidenna, ta innac ken Ama. Ket ti aniaman á dawatenyonto iti naganco, dayta ti aramidecto, tapno ni Ama maidaydayaw iti Anac. No adda aniaman á dawatenyonto iti naganco, dayta ti aramidecto.**

**Gapuna cunac cadacayo: Uray aniaman á dawatenyo no agcara-ragcayo pasienyo nã awatenyon ket marramidto. —Marcos 11:24**

**Pagayayatam met ni Jehova; ket isu itdennanto kenca dagiti tarigagay ta pusom. Icumitmo ti dalanmo ken Jehova; agtalecca met kencuana, ket isu ibanagnanto. —Dagiti Salmo 37:4, 5**

**Ket ti Apo kinunana: No adda coma pammatiyo á cas iti bukel ti mostaza cunaenyo coma itoy sicomoro: Maparutca ket maimulaca iti baybay: ket pagtulnogannacayonto. —Lucas 17:6**

**Ket ti Diosco punnoannanto ti**

**amin á pacasapsapulanyo, cas mainugot iti kinabacnangna iti dayaw ken Cristo Jesus.**

**—Taga Filipos 4:19**

**Ayayaten, no ti pusotayo saannatay á pabasolen, adda panag-talectayo iti Dios; Ket isuamin á dawatentayo, awatentayo kencuana; ta salimetmetantayo dagiti bilbilinna, ket aramidentayo dagiti banbanag á macaayayo cadagiti matana.**

**—I Juan 3:21, 22**

**Ni Jesus kinunana kencuana: No adda bassit pannacabalinmo! amin á banag mabalin cadagiti mammati. —Marcos 9:23**

Dagiti paspaset ti Biblia a nailanad ditoy ket naala manipud iti Ti Biblia copyright 1982 nga impablaak ti Philippine Bible Society, 890 United Nations Avenue, Manila, Philippines. Naaramat dagitoy babaen ti panangipalubosda.

---

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

**World Missionary Press, Inc.**  
**P.O. Box 120**  
**New Paris, IN 46553-0120 USA**